

La Griesche d'Este.

Mss. 7218, 7615, 7633.

En recordant ma grant folie,
Qui n'est ne gente ne jolie
 Ainz est vilaine
Et vilains cil qui la demaine,
5 Me plaing .vij. jors en la semaine
 Et par reson :
Si esbahiz ne fu mès hom,
Qu'en yver toute la fefon
 Ai li ouvré
10 Et en ouvrant m'ai aouvré
Qu'en ouvrant n'ai rien recouvré
 Dont je me cuevre.
Ci a fol ouvrier & fole oeuvre ;
Qui par ouvrer riens ne recuevre
15 Tout torve à perte,
Et la griesche est li aperte,
Qu'eschec dit à la desouverte
 A fon ouvrier,
Dont puis n'i a nul recouvriez.
20 Juingnet li fet sambler février.
 La dent dit : « Cac, »
Et la griesche dit « Eschac ; »
Qui plus en fet l'afuble fac
 De la griesche.
25 De Grefce vient, li griez éefche ;
Or est la Borgoingne briéfche.
 Tant a venu
De la gent qu'ele à retenu,
Sont tuit cil de sa route¹ nu
30 Et tuit deschaus ;
Et par les froiz & par les chaus,
Nès li plus mestres fenefchaus,
 N'ont robe entière.
La griesche est de tel manière
35 Qu'ele veut avoir gent légère
 En fon servife.
Une eure en cote, autre en chemife.

¹ Voyez, pour le mot *route*, la pièce du *Mariage Rutebeuf*, vers la fin.

Tel gent aime com je devife :
Trop het riche homme ;
40 S'aus poins le tient èle l'affomme.
En corse terme fet bien la somme
De fon avoir :
Plorer li fet fon non-favoir ;
Souvent li fet gruel avoir,
45 Qui qu'ait avaine
Tramblé m'en a la meftre vaine :
Or vous dirai de lor couvaine ;
J'en fai affez.
Sovent en ai efté laffez
50 Mi-marz que li frois eft paffez,
Notent & chantent.
Li .i. & li autre se vantent
Que se dui dé ne les enchantent
Il auront robe.
55 Efpérance les fert de lobe
Et la griefche les defrobe.
La borfe est vuide ;
Li geus fe ce que l'en ne cuide :
Qui que tiffe chascuns defvide ;
60 Li penffers chiet ;
Nul bel efchet ne lor efchiet.
N'en puéent mes qu'il lor mefchiet.
Ainz lor en poife :
Qui qu'ait l'argent, Diex a la noife
65 Aillors covient lor penffers voife,
Quar .ij. tornois,
Iii: parefis, .v. vienois,
Ne puéent pas fère .i. borgois
D'un nu despris.
70 Je ne di pas que je's despris,
Ainz di qu'autres confeus est pris.
De cel argent
Ne l'en vont pas longues charjant ;
Por ce que li argens art gent,
75 N'en ont que fère
Ainz entendent à autre afère :
Au tavernier font du vin trère ;
Or entré boule
Ne boivent pas, chascuns le coule :
80 Tant en entonent par la goule,
Ne lor fovient
Se robe achater lor covient.

Riche font, mes ne fai dont vient
 Lor grant richèce :
 85 Chafcuns n'a riens quant il se drèce.
 Au paier font plains de perèce :
 Or faut la feste,
 Or remainent chançons de gefte ;
 Si l'en vont nu comme une beste
 90 Quand ils l'esmuevent.
 A lendemain pouce se truevent ;
 Lui dui dé povrement se pruevent :
 Or faut quarefme
 Qui lor a esté dure & pefme.
 95 De poiffon autant com de crefme
 I ont éu :
 Tout ont joué, tout ont béu.
 Li uns a l'autre decéu,
 Dist RUSTEBUÉS,
 100 Por lor tabar², qui n'est pas nués,
 Qui toz est venduz en .ij. oès³ ;
 Et avril entre,
 Et il n'ont riens defors le ventre.
 Lors font il vifte & prunte & entre :
 105 S'il ont que metre,
 Lors les verriez entremetre
 De dez prendre & de dez jus metre.
 Ez vous la joie :
 Ni a fi nu qui ne l'esjoie ;
 110 Plus font feignor que raz sus moie⁴.
 Tout cel esté
 Trop ont en grant froidure esté.
 Or, lor a Diex .i. tens presté
 Où il fet chaut,
 115 Et d'autre chofe ne lor chaut :
 Tuit ont apris aler defchaut.

 Explicit la Griesche d'Esté.

² *Tabar* : voyez, pour l'explication de ce mot, une des notes de la *Complainte du Roi de Navarre*.

³ Les huit vers qui suivent sont transposés d'une manière fautive dans le Ms. 7633.

⁴ *Que ras sus moie*, que rats sur meule, c'est-à-dire dans un tas de gerbes.